

清宮競鷺外文書特

二章  
十  
中  
上



清宣統朝外交史料卷十六

宣統二年七月至八月上

目錄

東督錫良致外部稅務處撫順煤運赴韓國是否照滿洲里通商章程辦理請核示電

七月初一日

使德梁誠致外部觀見德皇謂中國答日俄協約文爲外交界文件特色電

初二日

使美張蔭棠致外部美謂日俄協約大礙中國主權美須早自爲謀

電初三日

外部致陳昭常日使稱全成哲在獄幾死希查覆電

初五日

外部咨稅務處撫順煤効出口應照何項稅率酌核見覆文

初五日

駐藏大臣聯豫致外部達賴去後藏地復安英使所言與事實相反

擬派羅長禕赴印交涉電初五日

外部覆聯豫羅道赴印可照辦並請開導布丹電初六日

外部致李經方藏中安謐英恐達賴留印生事擬派羅長禕赴印勸

回電初七日

江督張人駿咨外部日領言高瀨等行使僞鈔已懲辦文初八日

黑撫周樹模致外部請修築哈海鐵路拯此危疆函初八日

黑撫周樹模致外部俄人私測齊瓊路線有修築意函初八日

外部致趙爾巽藏事關繫邊境安危希與聯豫會商慎籌電十一日

吉撫陳昭常致外部請商日使速釋玄德勝以便即釋全成哲電十

二日

東督錫良致外部撫順煤稅磋商爲難將來鴨江橋成稅務如何辦理乞示電十三日

川督趙爾巽致樞垣外部請勿令達賴回藏布如犯藏宜嚴兵以待電十三日

外部覆趙爾巽布如稱兵英旣不干預我亦不必揭明且英尙未認爲彼屬電十三日

東督錫良奏東省大局益危密陳管見摺十五日

外部致趙爾巽如布兵犯藏宜善爲勸諭不必用兵窮邊電十五日使英李經方致外部丞參英外部謂斐式楷回華恐生事端並云開

平事如不能結祇可公斷函十五日

使美張蔭棠致外部錦璣路借款美國盡力協助惟盼中國早斷電

十七日

外部致德使雷逸信行運礮彈被蕪關扣留皖省未能任償節略十

八日

外部致汪大燮日本災重奉旨著往慰問助賑十萬電十九日

駐藏大臣聯豫致外部江孜租地事已結請覆英使電二十日

英使麻致外部羅道長禱赴印當照章接待至達賴行止毫不介意

照會二十日

考察海軍大臣戴洵致樞垣外部日併韓國將有不利於我舉動亟

應改革庶政電二十四日

晉撫寶棻奏遵議晉省鑛產現在辦理情形摺二十四日

駐韓總領事馬廷亮呈外部報日韓合邦條約並宣言書電附條約暨

宣言書二十四日

外部致馬廷亮日使面交合併條約各國如何應付我亦照辦希詳

覆電二十五日

外部致聯豫印藏官民照章可以交易務以消融意見爲要電

二十一  
五日

外部致各國公使奉旨沈瑞麟補授駐奧大臣照會二十六日

外部致聯豫希查明俄屬有無赴藏拜佛情事見覆電二十七日

朝鮮國會致外部日本吞併朝鮮求伸公理電二十七日

東督錫良奏奉省葫蘆島商埠工程重要請籌款開辦摺二十七日

黑撫周樹模奏改訂齊齊哈爾商埠區域謹陳現在辦法摺二十八日  
美使嘉致外部聞東督擬借某國款項辦理殖業希見覆函三十日

商部咨外部陝西延長油礦所訂傭聘日本技師合同是否妥協請

核覆文八月初二日

度支部外務部奏遵旨妥籌東三省請借外債二千萬兩興辦實業  
擬請照准摺初二日

軍機處外部致趙爾巽並轉聯豫趙爾豐英使云達賴宜令回藏希  
熱察情勢會商辦理電初二日

外部致英使麻俟新幣發行漸次收回舊幣節略初四日

外部致陳昭常日使稱已奏請特赦玄德勝希即釋全成哲電初四日

駐歲總領事桂芳呈外部丞參俄國道勝銀行擬與大比銀行合併

函初六日

外部致德使雷中德商約請在京續議希見覆函初九日

吉撫陳昭常致外部全成哲已開釋並經知照日領電初十日

外部致俄署使世東省鐵路轉運護路兵軍需品擬定辦法兩端希

照覆照會十一日

英美德法各使致外部催議粵漢川漢鐵路借款照會十二日

外部致陳昭常俄輪事以緝犯勦匪爲要勿啟彼干預電十三日

東督錫良致外部請商日使迅釋玄德勝並示覆電十三日

外部致聯豫布丹爲西藏屬部英人謂歸其管理應切實駁論電十

四日

外部致錫良日使請剿東省馬賊希電覆辦理情形電十四日

清宣統朝外交史料卷十六

男 希 隱 亮 編

黃巖弢夫王彥威輯

孫孝章敬立校

東督錫良致外部稅務處撫順煤運赴韓國是否照滿洲里通商章程辦理請核示電

據交涉司案呈會議撫順煤礦事據日議員要求該礦所出煤劵由安東運赴韓國援照中俄陸路通商章程第十四款完納出口稅二分之一當由該司函詢據奉省稅司轉准安總稅司函稱俄約第十四款係專指俄商在張家口購買中國土產出口而言是以中文添有張家口

一處字樣例如俄商在張家口購買撫順煤運入俄國則可完納半稅  
否則不能照行等語並經該司據以駁覆惟安東一埠轉瞬鴨綠江橋  
告成將來卽係陸路此項稅則既不得照二分之一完納是否按照滿  
洲里陸路通商章程三分減一辦理抑或如何定擬謹電請鈞部尊處  
酌核示遵良東七月初一日稅務檔

使德梁誠致外部觀見德皇謂中國答日俄協約文爲  
外交界文件特色電

洪今午觀見德皇恭遞國書宣讀頌詞皇致謝畢誠言我答日俄協約  
文已達貴外部皇當謂然皇答此文能抱定前約彼承認東省主權爲  
詞並聲敍前許列國均平主義足爲近數十年來外交界上文件之特

色又稱貴國以趕練陸軍爲第一要義外債益少國步益進鐵路益興  
商務益盛等語謹聞誠豔七月初二日日俄協約檔

使美張蔭棠致外部美謂日俄協約大礙中國主權美  
須早自爲謀電

申初六日電悉密探美政界意見咸謂東三省從此不得視爲中國疆  
土各國均霑利益及保全中國主權之說竟成具文美欲助中國力爭  
無從下手必須中國自有主見乃能協助實行現英法與俄日同意美  
宜與德協商以拒俄日又美報謂俄允日協約在去年中日定約之際  
我美提議鐵路中立之意實欲發現俄日政策今據協約明文必另附  
密議大礙我美遠東利權我美苦無從協助中國振興惟有改變方針

早爲自謀云棠七月初三日日俄協約檔

外部致陳昭常日使稱全成哲在獄幾死希查覆電  
申據日本使稱接吉林領事報中國前拘韓人全成哲在老爺嶺獄幾  
死查被拿在界線未定以前請交未允如身故恐成交涉等語除面駁  
外該韓人係何病情已否身故希查明電覆外務部七月五日延吉邊務  
檔

外部咨稅務處撫順煤劖出口應照何項稅率酌核見

覆文

爲咨行事宣統二年七月初一日准東三省總督電稱交涉司案呈會  
議撫順煤礦事日議員要求所出煤劖由安東運赴韓國援照中俄陸  
路通商章程第十四款完納出口稅二分之一該司函詢奉省稅司轉

准安總稅司函稱俄約第十四款係專指俄商在張家口購買中國土產出口而言不能照行等語經該司據以駁覆惟安東一埠轉瞬鳴綠江橋告成將來卽係陸路此項稅則既不得照二分之一完納是否按照滿洲里章程三分減一辦理抑或如何定擬請酌核示遵等因並分電貴處在案本部查撫順煤礦所出之煤効固不能照張家口俄商販運土貨稅則亦不應照滿洲里陸路章程辦理惟上年本部與日使議定東三省交涉五案條款第三款丙節內載撫順煙臺兩處煤礦開採煤効出口外運時其稅率應按他處煤効最惠之例徵收等語現在各處煤効外運完納出口稅應以何項稅率爲最惠之例相應咨行貴大臣查照酌核見覆以便電覆該督可也須至咨者七月初五日稅務檔

駐藏大臣聯豫致外部達賴去後藏地復安英使所言  
與事實相反擬派羅長禱赴印交涉電

英使照稱駐藏英兵恐有被攻之虞一節查藏地遐邇安謐江亞兩埠  
保護極爲周妥印貨暢銷自己革達賴逃後禁止捆商百貨益見流通  
英國官商出入平安英人身命財產絲毫無損不必別生疑慮又稱藏  
地極難情形係因達賴逃走所致一節查達賴前於光緒三十年逃出  
藏中照常安靜伊去年回藏不過兩月無端弄兵幾釀大亂及達賴去  
後藏地復安英使所言正與事實相反又稱駐藏大臣有欠和平一節  
豫在藏數年宣布朝廷德意僧俗均尙帖服本年奉旨賞還第穆呼圖  
克圖名號益形感悅至對於外交恪守條約力敦睦誼似無不和平處

又稱藏南人民仇視英人一節查藏南一帶番情馴良不至滋事即或  
稍有不靖中國兵力尙足彈壓斷不使有仇英之舉查已革達賴逃印  
後日圖復其權位以英人未肯明爲干預其逆黨邊覺奪吉等聞有煽  
惑布魯克巴帶兵犯藏之說英人似已知之所云藏南有事或即指此  
布本我屬地若敢稱兵犯順自當相機堵剿以保藏中治安至印藏邊  
界差派軍隊一節查陸軍祇有此數腹地尙不敷分佈邊界並未添派  
一兵以上各節應請照覆麻使逐條剖辨那塘添兵似可不必並勿偏  
聽一面之詞致多誤會至新選達賴豫屢催訪覓尙未得人藏番迷信  
轉世之說若急切從事反恐大衆不服後難安置惟已革達賴逗遛印  
境豫苦思未得善策前月與商上商派堪布等往迎至今無回信現在

英使旣爲說項豫擬特派大員赴印謁見印督告以藏中實情順道勸  
回已革達賴即不回內地亦可撥與藏廟居住給以日用決不傷害惟  
仍須防範免使變計投俄另生枝節但恐其格外要求以請復權位爲  
詞故意遷延則須得英官助力慘令回藏鄙意如此鈞意如以爲宜查  
有道員羅長禱熟悉外交堪以派往應請照會英使電知印督承認該  
道爲赴印度辦事件之委員照章接待待遇事優爲協助倘英使照允即  
令該道起程並應否電達駐英李欽使統乞鈞裁豫叩廿九日七月初五  
西藏檔

### 外部覆聯豫羅道赴印可照辦並請開導布丹電

六月二十九日電悉所籌各節均可照辦現即酌照英使並將羅道赴  
印一節電商印督接待得覆卽達至布魯克巴即布丹雖亦中屬近年

頗爲英所勾結聯爲一氣二月路透電並有內政外交聽英指揮之說  
若果受惑稱兵我亦以兵應之正恐英人藉此進兵干預則藏事殆不  
可問總宜設法開導或另籌防範不使滋生事端方可消弭隱患所有  
已革達賴私物如金銀物件等類查有被關扣留者應卽查照前電全  
數給還以免疑慮希核辦電覆外務部七月初六日西藏檔

外部致李經方藏中安謐英恐達賴留印生事擬派羅  
長禱赴印勸回電

申前准英使來照以政府恐英國在藏衛兵被攻增派軍隊駐那塘非  
遇危迫不過界亦不干涉華藏事此時藏中極難情形因達賴逃走如  
中政府欲令回藏英不留難惟相待不宜有他當經本部覆以藏甚安

靜無庸增派印邊駐軍至達賴回後中國無不以寬大相處一面電聯大臣查覆昨准覆稱藏中一體安謐商貨流通商埠保護周妥英人命產毫無虧損英旣恐達賴留印生事現擬派羅道長禱赴印勸回各等語本部當又照會英使電印督照章接待並優爲協助矣特聞以資接洽外務部七月初七日西藏檔

江督張人駿咨外部日領言高瀨等行使僞鈔已懲辦文

爲咨呈事據兩江洋務局王瓘稟稱現准日本井原領事函開日本人高瀨莊司中尾宇造兩名前在蕪湖行用僞造鈔票現經本領事詢明一切按照本國法律判斷高瀨一名處以十年懲役之罪中尾一名處

以六箇月懲役之罪業於日歷六月二十九日定規現已送至上海總領事署執行其刑等因合即稟聞等情到本部堂據此查此案昨准皖撫部院請咨照約辦理當卽咨請貴部查照核辦在案據稟前情除分咨外相應咨呈爲此咨請貴部謹請查照施行

七月初八日法律檔

### 黑撫周樹模致外部請修築哈海鐵路拯此危疆函

敬肅者頃奉鈞部電示哈海路線各節敬悉盡慮深遠感佩曷勝查此段路線所經皆江省富庶之區去冬因冰雪道梗運輸艱難民病商疲咸苦不便雖無外人之狡謀而本省商民已無不希望此路之成頃據本省諮詢局最近調查路線約長四百餘里建築需費約六百萬金每歲輸出糧石約五百餘萬石僅就此項運費收入年約三百餘萬金審

度情勢建築養路各費似皆確有把握惟小民難與慮始必須公家撥款以爲之倡商民自能踴躍附股擬請仍由大清交通兩銀行分別息借款項一面由本省籌撥官股招募民股逐段興修先從第一二段築起需款不過百餘萬金每年運輸之利已可獲三分之二尙乞鈞部主持庶保利權而杜覬覦邊局幸甚至運料接軌各節原定路線係由松花江北岸之馬家船口至呼蘭爲一段儘可自由修築不必與哈埠東清鐵路接軌運料係照章議價須屆時商酌所可慮者恐外人先發難於著手彼時雖勞鈞部爭辯恐已無及矣鑛質係在海墨線內合併聲明除將本省諮詢局文冊鈔呈鈞核外所有哈海路線亟須修築情形謹一一縷陳統祈維持大局拯此危疆迅賜酌奪無任企禱

七月初八日  
哈海鐵路檔

黑撫周樹模致外部俄人私測齊璣路線有修築意函

敬肅者本年五月間據省城交涉局呈稱准駐省俄領事照會內開有俄人米海羅夫布圖柞夫拉德金斯莫立尼闊夫克拉布遼夫等五名各帶俄跟人二名防身鎗械一桿前往江省各處考察商務所經之路擬由哈爾濱前往呼蘭綏化海倫布特哈墨爾根璣琿黑河布拉郭威臣斯克等處照請發給護照並轉行各該地方官照章保護等情當經發給護照五紙去訖等因呈報前來旋據江省駐哈鐵路交涉局電稱俄人米海羅夫等五人係藉考察商務爲名實擬私測齊璣路線並有自行修築等語當飭沿途各地方官隨時密察攔阻並派員前往偵察各在案頃據嫩江府周守玉柄稟稱云云等因查吾國錦璣路線早經

鈞部規畫第以外交牽涉美英磋商迄未就緒而外人已着先鞭日俄  
協約隱成南北割據之勢微論錦璣一路此後外交上更多一層阻力  
縱能曲折遷就克底成功而彼於哈呼綏海布墨一帶着手實爲異軍  
突起間道出奇初猶以爲密測齊璣將爲錦璣幹線之梗不料其包藏  
禍心更有此驚人之舉萬一俄人垂涎此段路線利益之豐或以種種  
方術要求鈞部務懇嚴詞拒絕告以吾國現已決定自行修築萬難允  
許令其早遏忘念無萌野心庶能救此危疆不致利權盡落外人之手  
而齊璣路線亦不同虛設此舉關係重要故不能不剴切詳陳尙祈鈞  
部顧念邊陲統籌全局以大力維持勿令他人之我先是所企禱臨楮  
迫切統祈垂察爲荷七月初八日齊璣鐵路檔

外部致趙爾巽藏事關繫邊境安危希與聯豫會商慎

籌電

西密初九日電已代奏前准聯大臣六月豔電稱聞已革達賴之黨邊  
覺奪吉有煽惑布魯克巴帶兵犯藏之說布本我屬如敢稱兵相機堵  
剿本部當密覆以英布近年勾結情形並謂布藏如果相見以兵卽恐  
英人藉此進兵干預藏事益亟總宜設法開導另籌防範今聯大臣初  
四日電布之犯藏係據探報究竟曾否稱兵及如何藉口旣經尊處電  
詢一有確實消息務即迅速電聞至藏中現派羅道長禱赴印將已革  
達賴勸回本部已照英使電印督接待優爲協助又派兵一營爲保護  
商埠之用亦擬酌告英使俾免誤會均俟得覆再達事關邊境安危操

縱稍有失宜深恐別生枝節仍希轉電聯大臣會商辦法慎籌因應隨時詳切電部爲要外務部七月十一日西藏檔

吉撫陳昭常致外部請商日使速釋玄德勝以便即釋

全成哲電

申全成哲案接電後當經轉飭查報茲據郭道覆稱韓犯全成哲曾由府移交審判廳押於看守所並未曾到老爺嶺地方刻詢明亦未患病查該犯應與玄德勝互行換釋業經外部與日使交涉在案又本年三月二十日蒙轉示督帥電開日使稱其政府已允於兩月內將玄德勝特赦回延惟要求不令復充鄉約等因職道當經照會日領於兩月將滿又屢面催永瀧始而要求釋放後不令回延當駁以與互換之義不

符且該民家族田廬盡在延吉不回與不釋無異繼又稱韓國法權現歸日本主持此案須俟日法官奏准方能釋放等語刻逾釋放之期又將兩月永瀧亦假歸日京未返擬請電部就此要求日政府速釋玄德勝以便即釋全成哲免再延宕致生枝節等因乞查照轉覆日使並請卽釋玄德勝以便互換昭常真七月十二日延吉邊務檔

東督錫良致外部撫順煤稅磋商爲難將來鴨江橋成  
稅務如何辦理乞示電

十二電敬悉現正與日領磋商撫順煤稅極費唇舌陸路通商日無專約旣難援照但出口稅每噸一錢係海口章程陸路未能援引將來鴨江橋成究竟應照何項章程辦理仍請示遵良七月十三日稅務檔

川督趙爾巽致樞垣外部請勿令達賴回藏布如犯藏  
宜嚴兵以待電

西十一日電敬悉聯大臣派羅道赴印勸回已革達賴一事不識有無眉目惟查英使前稱達賴未必肯回內地即令回藏若無特別妥善辦法亦恐不能自安及派兵預防我國相待達賴情形或有他故致生變亂立即入藏各節是英使頗有干涉達賴回藏相待條款之意此次聯大臣遣員往勸係用如何辦法未准見示若因遣員而受英國干涉將使前功盡棄應請大部電聯大臣飭羅道妥慎辦理總之事前既致達賴脫逃事後即不必亟令回藏況經奉旨斥革驟爾勸回彼必以復權復位相求英或從而助之我將何詞以對允之則損威失體不允又棄

好生隙英人責我益爲有詞不獨數年謀藏心力耗費兵餉盡付東流  
並恐藏地主權愈招損失至布兵如果犯藏宜一面嚴兵以待一面善  
爲勸諭不可聽客所爲此與英國開釁究屬有別英如認爲彼屬尤當  
暴之於天下使負其責國家在於世界不競爭不能存立外人得寸思  
尺恐必不受開導事關大局安危應請鈞處大部奏請朝廷主持是否  
祈覆巽七月十三日西藏檔

外部覆趙爾巽布如稱兵英旣不干預我亦不必揭明  
且英尙未認爲彼屬電

閣密十一日電計達頃准眞電具仰蓋籌惟布雖曾受先朝勅封究僅  
屬西藏羈縻地近且有與英訂條約受補助情事今昔情形迥乎不同

此次稱兵英旣不明行干預我亦不必揭明尊處如登布各報祇稱藏地現極安靖商埠保護周密外人命產均獲安全如有藏南部落人民被人煽惑擾亂邊界治安中國不擔其責至英人舉動令人生疑一節暫勿宣露布爲彼屬英使尙未道及添兵一節亦頗周折統俟接藏中確電籌定再達外務部元七月十三日西藏檔

### 東督錫良奏東省大局益危密陳管見摺

欽差大臣東三省總督兼管三省將軍奉天巡撫事臣錫良奏爲東省大局益危密陳管見恭摺仰祈聖鑒事竊維東省大局久成日俄分據之勢疊經臣將危迫情形及籌畫事宜先後奏陳在案近自兩國協約成立而大局益岌岌可危該協約全文第一條云兩國相與協力目的

進行不爲有害之競爭是其在東省之勢力範圍固已區定劃分明認  
默許矣第三條云倘有侵迫之事件發生時兩國認爲必要措置隨時  
相互商議是直視若己國領土迫乎防禦同盟將來無論何事該兩國  
有認爲不便於己者皆得指爲侵迫協力抗禦我雖絕對不認彼則聯  
合競爭不特蔑視中國主權且不許第三國人插足一二年後勢力彌  
滿東省豈尙爲我有哉況正約之外必又有特別之附約內容雖未探  
悉一則合併朝鮮一則侵佔蒙古均在意中禍患之來不知所屆在東  
三省非他乃祖宗陵寢所在而朝廷根本之重地也此而不保全局動  
搖中國其尙能自立乎雖及今補救已覺後時然萬無坐視危亡之理  
况以東三省壤地之廣物產之饒銳意振興未始無轉弱爲強之日此

臣所由彷徨日夕而不能不呼籲於君父之前者也伏維東省積弱之故首在土曠人稀吉江兩省荒涼尤甚東南東北沿邊數千里處處毘連俄韓有土地而無人民猶自棄也俄人於沿海州縣歲移民數十萬分屯開墾市廛櫛比千里相望以荒廢之區經營十餘年遂成繁盛部落一入我境荒蕪滿目弱肉強食何以圖存近者日俄兩國皆設拓殖局一以內閣總理大臣領之一以戶部大臣領之隆重其事權增厚其魄力統一其殖民政策實逼處此以與我爭朝廷苟爲保存東省計非通籌利害大展設施不足以挽救於萬一擬請於東省設立墾務局敕下度支部或特簡公忠素著之大員督辦其事派員前往內地招墾移民歲以若干萬人爲率分段墾闢按年進行內力漸充方可抵制外力

惟茲事體大既非數百萬金所能濟事亦非一二年內所能奏功現在  
內外同一艱窘無款可籌自惟有議借外債之一法該兩國以全國力  
量逼我疆土我亦必須以全國精神奮迅經營力圖進步斷非東省一  
隅之地所能擇持應請敕部臣統籌全局貸款速辦內外相維庶可補  
救如責令東省擔代籌借時勢至此亦不敢有所推諉坐失機宜查東  
省地大物博應辦實業甚多即僅以鑛產論如江蘇之甘河煤礦吉省  
之蜂蜜山煤礦蘊蓄宏富外人垂涎已久均爲絕大利源祇因交通未  
便以致貨棄於地如甘河煤礦須築鐵路六百餘里蜂蜜山煤礦須築  
鐵路二百餘里至少非有的款五六百萬金不能開辦此外如森林畜  
牧出產豐盈但使厚積本金均可徐興大利擬請商借外債銀二千萬

兩以一千萬兩設立東三省實業銀行以五百萬兩爲移民興墾之需  
以五百萬兩爲開礦築路之用此等借款用之於生利之途不嫌其多  
本爲各國所習慣且厚集洋債互均勢力尤爲與欽奉上年七月初四  
日諭旨相符臣擬即商借洋款俟借妥議訂合同後再行具奏惟款由  
東省商借非經政府承認則各國銀行未必樂從應請准於合同內聲  
明中國政府擔任字樣以期見信外人以上辦法奏效雖迂赴機宜速  
現在錦璣鐵路雖未議定若先修錦洮一段俄國當無異議葫蘆島開  
闢商港主權在我亦與他國無干一俟籌款有著同時並舉得寸得尺  
固未始非圖存之策也臣爲東局阽危亟圖補救起見謹披瀝密陳伏  
乞皇上聖鑒訓示謹奏宣統二年七月十五日東三省檔

外部致趙爾巽如布兵犯藏宜善爲勸諭不必用兵窮  
邊電

西密元電計達十二日電悉羅道現由聯大臣派赴江亞兩埠查看情形赴印一節英使尙未接政府覆電應俟覆到方能電飭前往派兵彈壓商埠一節已酌告英館參贊兼詢藏邊消息彼稱並無報告亦不以派兵爲然現布兵果否犯藏未准藏中續電如探報不確前項兵隊究以緩派爲宜此次英增那塘駐軍祇言藏南恐有不靖非爲達賴且屢聲明決不干預幫助來電恐其干涉條款在我似尙有辭以謝該達賴謀爲詭譖未必卽肯回藏聯大臣亟思勸回亦深以求復權位爲慮惟聽其久留印境勾結外援動生邊釁實足爲患該大臣此舉不爲無見

布英情形前已略及如布兵眞行犯藏總宜善爲勸諭目前局勢外患環生幾於應接不暇安能用兵窮邊牽動大局至布認誰屬一節如果情狀發露再行酌辦此時亦難遽行宣布英俄於藏本有舊約近且有改訂條款之謠借俄抵英似亦與現狀不同我處孤危祇有內圖整頓外籌應付萬不敢稍涉操切希與聯大臣妥酌慎籌電覆爲要並轉聯趙兩大臣外務部七月十五日西藏檔

使英李經方致外部丞參英外部謂斐式楷回華恐生事端並云開平事如不能結祇可公斷函

六月二十二日寄上第一百十五號函計邀台察該函遞發後外部大臣葛雷約往晤談比即前往伊稱斐式楷回英始以爲已經辭差不意

聞其指日又將回華此人不洽輿情將來到華後若仍錄用我逆料其必多方煽動以遂其報復之私實於中英邦交不利況安格聯到差後辦理諸臻妥洽方深幸慰何必又令斐回釀生事端我與斐本無私釁但兩國大局所關不能不預爲知照務請轉達貴政府以免日後違言弟答以斐實自辭稅務處之掛名差使當時並不知其係僅辭稅務處之差抑竟永辭去中國政府之差迨伊到英後來謁據稱在中國當差數十年水土相宜人情亦熟實有此間樂不思蜀之意加以感戴我政府此生豢養之惠寸心耿耿無日能忘此來不過暫時休息然犬馬戀主之情恐不能允其久居於此兩三月後仍須回華云我思斐在華有年當差勤奮人所共知不洽輿情之處似未之前聞我朝廷優待外人

不嫌過厚非他邦之任用客卿始則求之若渴繼則棄之如遺者可比  
貴大臣若細思此等處似可知我國柔遠之經即中英和睦之據且貴  
大臣前曾面告用人係中國主權不願干涉似裴已自辭去稅務處差  
前事可置不論此時裴果回華及回華後我政府如何位置與否爲時  
尙早似不必過慮及此葛雷復云裴前致函於我請見我以與伊無事  
交涉故拒而未見但請副外部哈定見之據哈定所稱似裴將來回華  
必有報復之舉我知裴之爲人向不安靜且逆料如將來中政府任以  
要地必有一番舉動卽位以閒散亦慮其不肯干休我爲保守中英邦  
交起見不得不先事奉聞請代爲轉達貴府云云弟查裴與英外部及  
倫敦中國商會兩處意見甚深本難化解若伊到英後閉門不出絕口

不言前事養晦一二年再行回華外部及商會諸人未必彎弓下石不遺餘力如此乃伊到倫敦後逢人誇耀其在華之權位及政府之信任並謂早有重要之地待其回華且極力詆毀外部商會復喜接見各新聞訪事諸人肆口放言毫無顧忌伊前見副外部哈定時多方詰問意氣不平哈定現已簡放印度總督復授爲上議院議紳勢位顯赫目中無人裴不自揣妄與抵抗英之世家大族酬酢往來專講禮貌哈雖驕慢見其舉動目笑存之不與辯駁然心恨之故羣相計議復懲患葛雷出面必欲使之無可報復而後已先發制人其計甚毒然平心而論裴亦自謀不臧矣至開平一案葛雷復云該公司讓至一百七十餘萬鎊無可再讓已電達駐使與大部交涉如竟不能商結祇有仍歸公斷之

一法並請轉告貴政府公斷一層非開平礦務公司之願係我之私見  
我思貴政府與各國交涉案件往往欲歸公斷他國不允以致久不能  
決釀生事端平心而論各爭利益人之恒情政府一國代表爲其國人  
爭利益往往心知其過當惟屈於國人之勢亦無可如何歸之於外人  
公斷則公理所在斷定之後國人不得以此怨政府政府亦可以對友  
邦歐洲各國凡各事至萬難解決之時均以此爲盡頭一着公斷已成  
公例而公斷亦實公平此時開平一案我不力持公斷之議不過泛論  
及之務請轉告貴政府細思我忠告之言苟中政府所有已結之各案  
均歸公斷了結恐較之自行磋商徒費時日又傷感情者勝一籌矣且  
智鬪力爭兩國之力或不均平兩人之智或稍軒輊往往將就了結隱

忍受之中政府若事事全歸公斷既可省無謂之唇舌復可昭公理於  
全球我與執事相處已久故一傾肝膽及之萬勿疑我前執定開平澳  
門兩案歸公斷之說而誤會之也又言福公司河南一案我已照會執  
事請轉達貴政府矣我與執事共事以來推誠相與早已言明凡我英  
商已得之利益我若不保護之無以對國人中政府當可鑒及弟答以  
貴大臣保護英商之利益我政府亦須俯順億兆之輿情貴大臣幸勿  
過於催迫此案謬轎甚多我政府顧念邦交亦須斟酌時勢抽刀斷絲  
快意一時往往事後追悔總之理之所在我政府必不迴護耳葛復云  
我已將此案令署使與貴政府交涉不過請將鄙意轉達之以上各節  
務祈代回堂憲肅頌勛祺七月十五日雜項檔

使美張蔭棠致外部錦璣路借款美國盡力協助惟盼  
中國早斷電

美外部有人云錦璣鐵路借款一事關繫中國極大我美藉此主持公理尊重中國主權其與協助中國振興可謂盡力此時惟日盼中國早斷有慰美望云棠十四日七月十七日錦璣鐵路檔

外部致德使雷逸信行運礮彈被蕪關扣留皖省未能任償節略

德商逸信行由滬運往安慶之礮彈經蕪關查驗充公一案前准貴館盧代辦送來節略當經電達江督皖撫查覆茲准覆稱光緒三十三年蕪關查出德輪美順載有逸信洋行交運操演礮彈三十三箱該船報

關譯作硝黃品類又無護照蕪關扣留隨據該行聲稱係恩巡撫在任時訂購之物復查案卷並無此項合同及種類價值等項單據該船運抵滬關時又將皖省用過別項護照朦混請驗當經前任馮撫准江督咨明凡運載軍火若無護照及護照不符皆不認為官運照章充公該行屢次來皖索償虧失當告以恩撫訂購此項礮彈事無佐證軍火起運又違定章該行所有損失皖省詎能任償等因合即轉達外七月十八日禁物檔

外部致汪大燮日本災重奉旨著往慰問助賑十萬電  
此次日本水災情形甚重上意極爲廑念奉旨著出使大臣汪大燮親往慰問並發帑銀十萬元助賑以表關切友邦之至意欽此希即欽遵賑銀即日送交伊集院使匯寄並聞外務部效七月十九日賑務檔

駐藏大臣聯豫致外部江孜租地事已結請覆英使電  
申二十九日電謹悉當飭羅道赴江調查茲據稟稱江孜商埠建築地  
段劃定一百十七袁克每袁克合中地六畝零英員韋亞在劃定地內  
請租一百七十五中畝專作建築英商務局之用領有准租文憑自向  
地主面議租價而番民以熟地較多每一中畝當索租一百六十盧比  
即由地方官切實勸令減讓至每一中畝租價五十盧比並非不爲相  
助亦無須赴裁判之語惟英員仍持允給相當之租價謂駱倍哲政務  
司白爾來埠乃可定奪是以遷延現該員督同番官向番民竭力開導  
核計每一中畝每年豆麥出產由英員照此給租了結至照費每畝計  
銀六錢地稅每畝計銀一兩五錢前經另訂章程互相接洽矣懇祈大

部照覆英使轉飭江孜英員查照爲幸豫叩七月二十日西藏檔

英使麻致外部羅道長禱赴印當照章接待至達賴行  
止毫不介意照會

爲照覆事本年七月初七日接准來文以擬派道員羅長禱前赴印境  
勸令達賴回藏等語並請轉電印督於羅道到印時照章接待並優爲  
協助等因經本署大臣電達本國去後現准本國外部大臣電囑以羅  
道到印時必當照章接待至駐藏大臣電內所稱達賴在印恐滋事端  
一節應行聲明以免有所誤會本國政府於達賴之行止毫不介意也  
須至照會者七月二十日西藏檔

考察海軍大臣載洵致樞垣外部日併韓國將有不利

於我舉動亟應改革庶政電

竊日本併吞韓國現已實行韓皇廢爲李王盡獻其土地於日韓人反對無不慘遭殺戮甚至偶語亦遭禁阻消息不許傳達蓋自伊藤去韓即已潛派師團豫謀逼脅非一日矣現查日人將有大不利於我之舉動危急存亡間不容髮我國庶政若再不加改革亟爲豫備竊恐覆轍之虞禍在眉睫不勝恐懼迫切之至載洵見聞較確冒死密陳乞代奏  
載洵二十三日七月二十三日韓合併檔

晉撫寶棻奏遵議晉省鑛產現在辦理情形摺

山西巡撫寶棻奏爲遵查晉省鑛產謹將現在辦理情形恭摺具陳仰祈聖鑒事竊於七月十三日承准軍機大臣字寄宣統二年七月初七

日奉上諭朕維貨藏於地富國之道鑛政爲先我國地大物博鑛產富饒近年各省漸有開採而成效總未昭著者或以財力未充或以運售不易甚有欺詐之徒藉集股以圖誑騙遂至殷實紳商虧折於前不復躊躇於後有利不興殊爲可惜現在百事待舉總以開濬利源爲第一要義凡有產鑛之區該都統督撫等當於平日派員查勘設法興辦勿使利棄於地其風氣未開者多方以勸導之資本富有者竭力以鼓舞之動其歆羨破其疑慮果能盡集華股固屬甚善設力有不足亦可附入外股惟須妥擬條款慎防流弊隨時咨送外務部詳核方准實行凡茲興利大端亟應設法提倡著農工商部會同各都統督撫等調查詳細熟籌辦法將來有關於集股籌款等事並著咨商外務部度支部會

同辦理將此諭令知之欽此遵旨寄信前來臣跪聆之下仰見朝廷開  
闢利源振興鑛務之至意欽服莫名伏查晉省鑛產以煤鐵爲大宗鑛  
苗鑛質之美富實爲全球所無但自戊戌年前商務局與英商訂立合  
同後平孟潞澤平陽府全省煤鐵精華薈萃之處悉歸外人掌握晉省  
即不能自辦益以鎔化廠合辦合同四條則并本省練鋼練鐵之權亦  
均難自主三十一年英商據合同請外務部電止晉省土人開窯晉中  
山多田少耕種常不能自給平日窮民全恃土窯挖煤挖鐵以資生計  
一聞禁止開窯之信羣情洶洶幾肇大變該公司復堅執不讓外務部  
屢接照會謂耽延一日索賠償金二百磅官紳不得已始議收回之策  
然英商經營多年糜款頗鉅索償至一千一百餘萬磋商累月始由外

務部定議以二百七十五萬贖回合同自辦合之匯兌到津平色並息  
款商款利息等項數近三百萬回晉後與官紳竭力維持設立保晉  
公司現贖款已還過二百二十餘萬祇短四十餘萬已預儲的款來春  
即可悉數清結夫民力祇有此數用一緩二不能不並顧兼籌該公司  
力顧大局而公司底蘊外間不能盡知難免妄生疑議現計該公司墊  
付之款已一百十餘萬歷年以來清償贖款集股開辦並收回同濟公  
司地畝數近五萬收回壽榮公司煤礦機器地房又費數萬更復添購  
機器推廣銷路刻下正定大名等府並京津一帶均銷晉煤煙臺香港  
海參歲各埠亦陸續來晉訂購祇因正太路窄灣多不能多運且運價  
較各路爲重成本未能減輕即銷路不易推廣而該公司悉力經營近

於大同一帶推廣外銷每日驃駄車載至三百餘起此晉省礦產設法  
贖回及歷年籌辦之實在情形也自來偉大之業固在經理得人但繼  
長增高必由積累不能一蹴而幾即如萍鄉大冶之礦費款至二千萬  
爲期至二十年近日始稍可自立晉礦一面以巨資贖回一面集股自  
辦爲時不及三年規模略已粗具而思中傷者復謠謗時興致該公司  
總理等皆懷去志臣查指摘該公司者大致約有二端一曰糜費股東  
股款不知公司先集股銀全以墊付贖款股銀並未交公司有何糜費  
俟贖款償清方能以全力辦鑛刻下股東息銀仍按時付利不爽毫釐  
公司總理每月僅支夫馬費數十金其餘用人一切較之各省公司格  
外節省賬目班班可見所謂糜費不知何所見而云然一曰公司意存

排外不知該公司章程載明不論何省紳商均可入股但不收洋股現在外省股款即奉直一二省已收款至十九萬蓋晉力不足必藉外省之力乃克集事若並外省而排之則鑛事安望其有濟耶中國每辦一事局外不悉局中實情則恒幸災樂禍必思破壞其事而後快至云酌借洋款原爲各國所不禁但借款與放棄鑛地主權不同必契約合同僅止借款一切用人辦事均由我專主方爲無礙主權倘如晉省前此與英商原訂合同則是舉一切土地利權拱手讓人固不得僅謂之借款矣伏讀諭旨競競於妄擬條款慎防流弊蓋已深鑒及此即如汴省福公司在汴辦鑛用人辦事及鑛產利益不獨於汴人無異汴人並無從過問然當訂約之初何嘗不曰借款辦鑛無損主權乎近日人情變

幻輒造作疑似之言以惑衆聽若非洞明利害難免不有毫釐千里之謬臣於晉鑛始末知之有素默計煤鐵之佳實爲全國鐵路並海陸軍製造之源但圖大事者不規近利晉鑛甫以鉅款收回晉人之力亦當稍事舒緩以資周轉大致該公司自明春償清贖款後始能作爲成立可以一意辦鑛此後練鋼鑄軌亦可騰出款力設廠購機約計五年必有眉目十年當可自立該公司總理候補三候品京堂渠本翹條理精密信用素優論其才用資勞久堪大用自不能以本省之事阻其報國之忱將來設蒙恩簡服官中外第令其遙爲主持鑛事即可就理各處紳商股款亦可日見增加惟該總理因外間謠謗日集矢於辦鑛集股之人遂不免多所顧慮臣以晉鑛重要謂當勉爲其難該總理遂亦無

可推諉但外間不悉局內實情胥動浮言致辦事者益難措手竊維晉  
鑛爲全國富強之基西北各省無不恃晉鑛之煤鐵爲建築之本即海  
陸根據之要素亦舍此無以圖強全球注目種種垂涎晉人備極艱難  
甫由英商收回今贖款尙未償清而物議又復蜂起臣忝膺疆寄旣確  
有所知不得不據實上陳並據諮詢局公呈亦請維持鑛務以爲自強  
之本並杜覬覦之萌蓋深知晉鑛關係至重不可不慎重以圖功至省  
北一帶各種鑛產並當遵照諭旨派員查勘設法開採以資利用而厚  
民生除分咨查照外所有遵查晉鑛並近年辦理情形理合恭摺具奏  
伏乞皇上聖鑒訓示謹奏宣統二年七月二十四日鑛務檔

駐韓總領事馬廷亮呈外部報日韓合邦條約並宣言

書電附條約暨宣言書

頃統監府函送合邦條約宣詔英文譯稿定二十五日發表請爲秘密  
條約內一韓皇讓國與日二日皇收受三予韓皇等爵俸四賜皇族官  
產五封韓大臣六保護韓人生命財產七酌用韓官八批准施行宣詔  
內一廢各國條約收裁判權二稅則照行十年三有約各國船隻往來  
日韓商埠亦限十年四商埠照舊添新義州等語查詔內各條與領事  
華商頗有關繫乞鈞裁並電覆俾轉飭遵照廷亮七月二十四日日韓合併  
檔

日韓合併條約

按宣統二年七月二十四日駐京日使伊集院偕高尾通譯到外務  
部與我大臣會見日使云有一重大事件告知貴國政府即日韓合

併問題是也此事由來已久自四年前韓國歸日本保護後日本即擬改良其內政故凡司法兵政警察等權均由日本辦理無如數年來進步甚遲且地方時尚有不安之事不能盡保護之責故決意實行日韓合併以期永保和平業由兩國派全權大臣將條約簽字定明日即行宣布嗣後所有各國與韓國訂立之條約概行作廢其關於各國利益如租界內各事除治外法權及警察外此外仍可照舊辦理此意已在宣言書內敍明今特將條約及宣言書稿先行送閱即希查照詢以各國條約作廢此後各國與朝鮮通商仍可照行係據何者爲標準日使答云暫可仍照舊例唯不能視爲依據條約復詢以中韓國界相接自與各國情形不同此後中韓邊界各種事件

即如延吉特別辦法諒當仍照中日所訂之條款辦理日使答云然  
中日條約仍是有效等語茲將日韓合併條約暨宣言書列後

日本國皇帝陛下及韓國皇帝陛下因兩國間有特殊而又親密之關係  
預謀增進相互之幸福並確保東洋之和平深信莫如將韓國合併  
於日本兩國乃決定締結合併條約日本皇帝特命統監子爵寺內正  
毅韓國皇帝特命內閣總理大臣李完用爲全權委員會同協議訂定  
諸條如左

第一條 韓國皇帝陛下將關於韓國全部之一切統治權完全永久  
讓與日本皇帝陛下

第二條 日本國皇帝陛下允受前條所舉之讓與且允將韓國全然

合併於日本帝國

第三條 日本國皇帝陛下約定韓國皇帝陛下太皇帝陛下皇太子  
殿下及其皇妃皇裔各按其地位受相當之尊稱享有威嚴及名譽  
並約供給充分之歲費以保持之

第四條 日本國皇帝陛下對於前條以外之韓國皇族及其後裔各  
俟享有相當之名譽及待遇並約供與必要之資金以維持之

第五條 日本國皇帝陛下對韓人有勳功而應特爲表彰者授以榮  
爵且與年金

第六條 日本國政府因前記合併之結果全然擔任韓國之施政對  
於該地方遵守法規之韓人之身體財產與以充分之保護且爲之

謀增進福利

第七條 日本國政府對於誠意忠實尊重新制度之韓人且有相當之資格者於事情所許之範圍內將其用爲在韓國之帝國官吏  
第八條 右條約已奉日本國皇帝陛下及韓國皇帝陛下之裁可自公佈之日即行施行

兩全權委員特於條約署名蓋印以爲證據日歷八月二十九日即中歷七月二十四日

附日韓合併宣言書

自明治三十八年日韓協約訂立後已閱四載有餘其間日韓兩國政府銳意從事改善韓國之施政然該國現在統治制度迄未能十分保持公安秩序且有民懷疑惑無所適之狀苟欲維持韓國之靜

謐增進韓民之福利並希冀在韓各國人之安寧則須於此時將現在制度盡行改良其勢更覺顯然因此日韓兩國政府以按上開之必需改善現在之勢態並保全將來之安固爲急務業經日韓兩國大皇帝允認派令兩國全權委員會同訂約以韓國完全併合日本帝國矣該約定於日歷八月二十九日宣布並即日施行則日本國政府因該約之效果自應擔有朝鮮之一切統治權茲將關乎各國人及各國通商事宜之辦理方針表明如左

一所有韓國與各國條約自應作廢日本國與各國現行條約限其能以照行者在朝鮮亦可照行故此居留朝鮮之各國法權之下限其情形所能辦到均可享受權利及優例與居留日本本國之

各國人無異並其合例之既得權亦獲保護

該併合條約施行之時所有隸於各國領事裁判所之案件日本  
國政府允其續行審判至末次決定爲止

二凡由朝鮮運出外國或由外國運進朝鮮之貨物並駛入朝鮮通  
商口岸之各國船隻應完之進出口稅及船鈔日本國政府允限  
此後十年以內仍照舊章之率輸納但聲明此節與從前條約無  
涉

凡由朝鮮運出日本或由日本國運進朝鮮之貨物及駛入朝鮮  
通商口岸之日本國船隻於此後十年以內亦照前項貨物及船  
隻之例一律輸納稅鈔

三凡與日本國有約各國船隻日本國政府允限此後十年以內往來朝鮮通商各口之間或朝鮮通商各口與日本通商各口之間從事沿岸貿易

四所有朝鮮通商口岸除馬山浦外其餘各口仍作通商之地並添開新義州一處立爲通商口岸均准內外各國船隻駛入並裝運貨物七月二十四日

外部致馬廷亮日使面交合併條約各國如何應付我亦照辦希詳覆電

二十二二十四兩電均悉昨日使面交合併條約及宣言書詞意與來電略同並云馬山浦不作商埠其餘各國利益除警察裁判權外仍暫

照行等語該約宣布各國如何應付我亦一律辦理希隨時詳酌電覆  
外七月二十五日日韓合併檔

外部致聯豫印藏官民照章可以交易務以消融意見  
爲要電

西密英使節略稱本年二月駐藏大臣發出禁令以江孜商務委員前  
用之已故藏人沙伯東喇嘛所受地段事應行廢除又藏政府及札什  
倫布自班禪以下各喇嘛無論公私事件概禁與泰西交接此二端似  
係有違約章等語查印藏官民可以交易往來通商章程十二款載有  
明文現在英雖注意藏事仍聲明嚴守局外我更不宜明著禁令致彼  
以違章藉口總以妥慎籌畫消融意見爲要此事究竟實情如何希速

電覆外務部七月二十五日西藏檔

外部致各國公使奉旨沈瑞麟補授駐奧大臣照會  
爲照會事本年七月二十四日奉旨出使奧國大臣着沈瑞麟補授欽此相應恭錄諭旨照會貴大臣查照轉達貴國外部可也

七月二十六日  
使奧檔

外部致聯豫希查明俄屬有無赴藏拜佛情事見覆電  
申俄使照稱本國薩拜喀拉省人得悉駐藏大臣禁止俄屬信奉黃敎人前往西藏實係侵犯俄屬佛教之人向有往拜佛尊之權請電飭弛禁等語查藏地不准洋人游歷歷辦有案惟英俄協約載明兩國奉佛教人可與達賴及其他佛教代表往來究竟該俄屬向來有無赴藏拜佛情事此次因何禁止希速查明電覆外務部七月二十七日西藏檔

朝鮮國會致外部日本吞併朝鮮求伸公理電

北京外務部大臣鑾朝鮮國會致歐美列強及中國電爲日本吞併朝鮮求伸公理事日本對我韓人誠爲最堪痛恨之仇敵屢次違背互定之條約殘暴不仁不守公法藐視公理種種舉動有非言語所能形容者現在日本又預備知照各國實行吞併朝鮮之事此實爲反抗朝鮮人心願之舉動日本乃以強暴手段加諸我國我韓人服從其踐踏而後已此等舉動非徒種種有傷現在和局而於將來亦不免生出無窮之戰爭如貴國欲保守大局之和平敢望貴國遵守公法維持公理起而干預日本吞併朝鮮之事深願貴國追念朝鮮與世界各國邦交素稱和好而不忍恝然置之也七月二十七日日韓合併檔

東督錫良奏奉省葫蘆島商埠工程重要請籌款開辦  
摺

欽差大臣東三督總督兼管三省將軍奉天巡撫事錫良奏爲奉省葫蘆島商埠工程重要請籌撥的款以資開辦恭摺仰祈聖鑒事前准度  
支部咨議覆奉省奏請撥款修造葫蘆島商埠一摺內開該島與錦璣  
一路關繫極重利賴極宏自宜先籌開埠辦法以爲預備所需款項彷  
募公債應用俟集有成數再議舉辦開埠仍由該埠自籌公債抵款如  
有難於周轉之處准咨商臣部酌籌分認等因奏奉諭旨依議欽此欽  
遵咨行到奉自應遵照辦理伏查葫蘆島扼海陸形勝其港岸足與大  
連海口並峙其工程宜與錦璣鐵路兼營實關東省全局命脈現在路

事雖尙未定議若先修錦州至洮南一段俄人無可措詞自未便觀望遷延致多貽悞且查港岸工程建築海隄經營船塢約計非七八年不能告成尤應尅期舉辦部議募借公債同係正當辦法惟東省民力拮据勸募非易且須預籌確實抵款同一爲難臣前已在東三省官銀號紅利項下酌撥銀十萬兩以爲購地勘埠之需現在全埠地址業已圈定並已買民地五百數十畝民房七十餘間函滬訂購機器材料將海隄船塢次第興工目前節縮估算非百萬金不能開辦再四設法無款可籌茲查有東三省鹽務局盈餘一款係各局報解銀價盈餘向歸外銷除額撥審判等經費外年可餘銀二十萬左右上年因購買鎗彈曾經奏明動用又查有補徵鹽釐及鹽棧店帖稅票費斗課減平等雜款

除各局開支一切外零星搜提年可餘銀七八萬以上各款截至宣統元年止約共積存二十餘萬兩應請儘數提用並請自本年起除原支各項經費外其餘一併提充開埠經費俟工竣之日停止不敷之款再由臣咨商度支部酌籌分認以維要工除分咨查照外所有籌撥的款擬修葫蘆島工程緣由理合恭摺具奏伏乞皇上聖鑒謹奏宣統二年七月二十七日奉硃批該部知道欽此商埠檔

黑撫周樹模奏改訂齊齊哈爾商埠區域謹陳現在辦  
法摺

黑龍江巡撫臣周樹模奏爲改訂齊齊哈爾商埠區域謹陳現在辦法恭摺仰祈聖鑒事竊江省齊齊哈爾自開商埠曾於光緒三十二年九

月間經前署將軍臣程德全劃定基址奏陳辦理在案查原定將船套  
子一帶地方闢作商場局勢本極閑敞惟偏在城西未免稍嫌僻遠華  
商既多觀望外人因而遲疑數年以來並無前往經營者而外來各商  
並藉口宣布開埠條文有齊齊哈爾城字樣要求在省城內外雜居營  
業雖據理拒駁總以原定埠界交易既多不便保護亦屬難周亦未敢  
迫令到埠第中外雜處凡屬徵收稅捐外商均不認繳居常管理亦復  
窒礙良多若不另定辦法恐主權利權放棄既久挽回益難殊屬非計  
茲擬將商埠地址向東略爲推展期與城廂接近易於發達又恐離城  
密邇毫無區分乃指定齊昂鐵路經過路線作爲天然界限道南全作  
埠場道北仍爲內地鴻溝釐然庶足以杜狡佔而免紛歧界內民有田

園房屋分別等級核實給價一律由官收買以便轉行租賃俾免抑勒居奇之弊當此財政困難商業又難遽期繁盛官爲建築市房勢所不行惟有分租與建爲兩事先將道路溝渠分別修理至於建造房屋則聽華洋各商自行經營官祇量撥地段隨時查核務令營造如式所有租建專章經臣仿照各埠辦法參酌本處情形詳細擬定一俟咨部核覆即行查照辦理此次購地築路各項約需銀三四萬兩已飭由民政司撥用正款俟工程完竣再行造冊報銷埠內一應事宜統由交涉局就近兼辦暫不另設局所以省糜費竊以齊齊哈爾係江省四埠之一地方雖屬省會商務尙未繁興所有日俄各商均係小本貿易其他有約各國商人懋遷者無多現在埠界旣經展近地基業已買回嗣後各

國商人統於商埠界內居留則開放之中寓有限制庶幾公安可保轡  
轡不生臣仍隨時督飭將埠內應辦各事賡續籌備至璫琿海拉爾滿  
洲里各埠俟省城辦理就緒再行次第推廣以仰副朝廷振興商業之  
至意除將專章暨草圖分咨查照外所有改訂齊齊哈爾商埠區域暨  
現在辦法理合會同東三省總督臣錫良恭摺具陳伏乞皇上聖鑒謹  
奏宣統二年七月二十八日奉硃批該部知道欽此商埠檔

美使嘉致外部聞東督擬借某國款項辦理殖業希見

覆函

敬啟者茲有一事欲向貴中堂敍明緣本大臣屢得傳聞皆係東督擬  
借某國銀行款項辦理東省殖業之事雖如此說本大臣亦未敢深信

其故有三一因本大臣曾於本年八月十七號談有事件二因昨日錫  
大臣與本館安參贊議商如有借款之事必與美銀行同時商辦三因  
西一千九百零八年七月十一號曾奉貴部大臣簽諭向美國借款一  
節係爲開設銀行創辦東省路鑛農林以及各項實業之需職此之故  
本大臣不敢遽以傳聞爲憑爲此函達貴中堂查照此等意見是否屬  
實即希速爲見覆是荷此泐順候日祉七月三十日借款檔

商部咨外部陝西延長油鑛所訂傭聘日本技師合同  
是否妥協請核覆文

爲咨呈事接准陝西巡撫咨稱據陝西勸業道光昭詳稱延長油鑛現  
擬擴充辦法當派委員前赴日本傭聘技師技手茲據委員賈令映南

稟由日人內藤久寬介紹聘得理學博士大塚專一爲鑛地測量技師  
又由該技師承保田村昇氏爲測繪技手又由日人廣瀨貞五郎介紹  
聘得關川德次郎板垣倉吉櫻井清次郎遠藤幸次郎等四名爲鐵木  
鑿井等工師並會同商訂草合同呈齎前來該技師技手等六人嗣於  
五月十七日抵陝復經職道與該技師等反復磋商悉心改訂所立各  
條尚屬可行業經繕訂正合同分別簽押以資遵守除令該技師前往  
延長勘辦外所有聘僱緣由理合鈔錄合同詳請分咨外務部農工商  
部立案據情轉咨到部查陝省延長油鑛現擬擴充辦法由日本傭聘  
技師技手所訂合同各條是否妥協相應咨呈貴部查照酌核見覆以  
憑轉咨可也八月初二日聘用洋員檔

度支部外務部奏遵旨妥籌東三省請借外債二千萬  
兩興辦實業擬請照准摺

度支部外務部奏爲遵旨妥速議奏恭摺會陳仰祈聖鑒事東三省總督錫良奏東省大局益危密陳管見一摺宣統二年七月十五日奉硃批外務部度支部妥速議奏欽此欽遵由軍機處鈔交到部原奏內稱竊維東省大局久成日俄分據之勢疊經臣將危迫情形及籌劃事宜先後奏陳在案近自兩國協約成立而大局益岌岌可危伏維東省積弱之故首在土曠人稀吉江兩省荒涼尤甚東南東北沿邊數千里處處毘連俄韓有土地而無人民猶自棄也俄人於沿海州縣歲移民數十萬分屯開墾市廛櫛比千里相望以荒廢之區經營十餘年遂成繁

盛部落一入我境荒蕪滿目弱肉強食何以圖存近者日俄兩國皆設  
拓殖局一以內閣總理大臣領之一以戶部大臣領之隆重其事權增  
厚其魄力統一其殖民政策實逼處此以與我爭朝廷苟爲保存東省  
計非通籌利害大展設施不足以挽救於萬一擬請於東省設立墾務  
局敕下度支部或特簡公忠素著之大員督辦其事派員前往內地招  
墾移民歲以若干萬人爲率分段墾闢按年進行內力漸充方可抵制  
外力惟茲事體大旣非數百萬金所能濟事亦非一二年内所能奏功  
現在內外同一艱窘無款可籌惟有議借外債之一法該兩國以全國  
力量逼我疆土我亦必須以全國精神奮迅經營力圖進步斷非東省  
一隅之地所能擇持應即請敕部臣統籌全局貸款速辦內外相維庶

可補救如責令東省擔代籌借時勢至此亦不敢有所推諉坐失機宜  
查東省地大物博應辦實業甚多卽僅以鑛產論如江省之甘河煤鑛  
吉省之蜂蜜山煤鑛蘊蓄宏富外人垂涎已久均爲絕大利源祇因交  
通未便以致貨棄於地如甘河煤鑛須築鐵路六百餘里蜂蜜山煤鑛  
須築鐵路二百餘里至少非有的款五六百萬金不能開辦此外如森  
林畜牧出產豐盈但使厚積本金均可徐興大利擬請商借外債銀二  
千萬兩以一千萬兩設立東三省實業銀行以五百萬兩爲移民興墾  
之需以五百萬兩爲開鑛築路之用此等借款用之於生利之途不嫌  
其多本爲各國所習慣且厚積洋債互均勢力尤爲與欽奉上年七月  
初四日諭旨相符臣擬即商借洋款俟借妥議定合同後再行具奏惟

款由東省商借非經政府承認則各國銀行未必樂從應請准於合同  
內聲明中國政府擔任字樣以期見信外人以上辦法奏效雖迂赴機  
宜速現在錦璣鐵路雖未議定若先修錦洮一段俄國當無異議葫蘆  
島開關商港主權在我亦與他國無干一俟籌款有著同時並舉得寸  
得尺固未始非圖存之策等語臣等伏查上年八月間該督奏借款築  
路臣部於會陳摺內即首以振興實業爲言嗣該督妥籌辦法於是有一  
築路興業二者兼營並進之說然該督原奏仍稱興辦實業在先營鐵  
路故臣部會同議覆即先准借款築路其借款興辦實業一節暫從緩  
議誠以殖業銀行例准商民集資開設可由該督設法招徠亦以借款  
修路該省籌還本息擔負業已不輕次第設施辦法固應如是也現錦

璫鐵路久未定議而時艱日迫經營實業自不能再事遷延固圉必先  
實邊既庶方可致富以東省地大物博倘經理得法富強可待何止圖  
存該督此次擬借外債銀二千萬兩以一千萬兩設立東三省實業銀  
行以五百萬兩爲移民興墾之需以五百萬兩爲開礦築路之用外資  
過鉅雖非良圖然用之生利之途非藉爲消耗之用旣爲各國所習見  
亦符均勢之本謀臣部公司商酌擬即照該督所請准由東省商借妥  
訂合同先行分咨臣部核定再爲簽押惟前項借款如何籌抵原奏未  
及聲明查該省前次擬借路款所有籌還本息係由該省自行籌定此  
次原奏稱如責令東省擔代籌借不敢有所推諉自係早經設籌不致  
無著至原奏請於東省設立墾務局特簡大員督辦一節應俟借款定

議由該督奏明請旨辦理所有遵議緣由理合恭摺會陳伏乞皇上聖鑒訓示再此摺係度支部主稿會同外務部具奏合併聲明謹奏宣統二年八月初二日奉硃批依議欽此

東三省檔

軍機處外部致趙爾巽並轉聯豫趙爾豐英使云達賴

宜令回藏希熟察情勢會商辦理電

二十九日以前諸電並聯大臣密函均悉英人停運進藏軍糧路透電亦有此說布人近無舉動或係虛聲探試英使面稱達賴居印甚不合宜最好令其回藏自居一廟專管教務不理政事因奉黃教之人決不承認新選達賴且決無選定之日如令達賴來京英國亦表同情云云綜觀以上情形英人並非堅助達賴但慮其在印煽亂此時我自以安

置達賴爲第一要著朝廷於已革達賴固不能復其名位而彼苟來歸  
自可加以優待希飭羅道卽本此意設法勸諭如能令由海道來京最  
爲妥善否則即令回藏優予安置密爲防閑總期永遠相安俾免藉口  
至近日條陳藏事者謂須分別表裏善爲操縱在內之計畫當兼程並  
進在外之形迹當鎮靜和平揆諸近狀所論不無見地蓋在我無隙可  
乘外患方能消滅來電謂英兵進藏以禮接待布又稱兵預籌防護固  
屬應變之方然若果到此地步無論以禮以兵均難收拾現在除事前  
消弭兵端別無善策來電擬撥邊兵進紮拉江一節係爲預防後路並  
備不虞起見但究係添兵進紮藏界現外人旣無動靜如我忽有此舉  
或恐啟其猜疑惟邊藏自應聯絡一氣仍希熟察情勢出以審慎一切

統賴盡籌會商辦理隨時電覆爲要樞外務部八月初二日西藏檔

### 外部致英使麻俟新幣發行漸次收回舊幣節略

本年七月十九日接准節略稱香港署督以中國不日改行新幣粵省造幣廠現在所發之銀幣如仍係減色之品將來豈能通行願悉新幣未發行之前處置舊幣詳細辦法並在華通行之香港毛銀將有何法辦理等情當經本部咨行度支部去後茲准覆稱查本部奏定幣制則例規定主輔幣成色分量本極嚴明又於第八條嚴定公差於二十一條設法化驗決不准鑄造減成之品流通市面至處置舊幣一節本部奏定籌擬舊鑄銀銅各幣辦法摺內聲稱新幣發行省分所有舊鑄大小銀元暫准照市價行用亦即照市價逐漸收回改鑄新幣約計新幣

足敷應用預定期限停止舊幣之通用仍照內含實值兌換國幣等語  
屆時自當查照辦理若非本國所鑄之大小銀元在新幣通行之時自  
當查照各國成例辦理等因前來相應轉達卽希查照可也

八月初四日  
圓法檔

外部致陳昭常日使稱已奏請特赦玄德勝希卽釋全

### 成哲電

玄德勝一案初二日函計達茲准日使函覆已電達政府奏請特赦希  
即將全成哲先行釋放以期早結並電覆外務部支

八月初四日延吉邊務  
檔

駐歲總領事桂芳呈外部丞參俄國道勝銀行擬與大

### 比銀行合併函

竊領事訪察俄國於本年三月間議將道勝銀行與該國大比銀行合

併爲一近復據歲埠道勝銀行總辦確稱本年秋間實行開辦更名爲俄亞銀行等情查道勝銀行係中俄合辦官業該國旣擬併入大比銀行自應先行知會諒此事當已商允鈞部矣領事旣有所聞自應上達伏乞代將前情回明堂憲鑒察實爲公便所有報告道勝銀行擬與俄國大比銀行合併辦理各緣由合肅稟陳恭敏鈞安八月初六日銀行檔

### 外部致德使雷中德商約請在京續議希見覆函

逕啟者中德商約前於光緒三十一年在上海由盛大臣與貴國駐滬克總領事會議其條款已大致商定嗣因克總領事請假回國彼此訂明各自繕立一份以爲合宜並按照本國政府訓條應議各節互換照會並附送漢文德文約款以爲續議之根本各先報明本國政府在案

迄今日久尙未續議現貴國在中國商務益加發達亟宜將前項約款接續議妥以期邦交增睦且盛大臣現時在京供職如就近與貴大臣在京會議則較之在滬尤爲方便應請貴大臣電達貴國政府俟得訓條即速見覆爲盼專此函達順頒日祉

八月初九日商約檔

吉撫陳昭常致外部全成哲已開釋並經知照日領電

全成哲立德勝案前承電告當經轉飭照辦並電覆在案茲據郭道電稱奉電即照知地方檢察廳將全成哲先行釋放頃該廳將該犯解送職署查驗當即在局先行開釋並知照日副領速水就近接洽一面照會總領矣等因知關廩念特此電聞昭常謹肅蒸

八月初十日延吉邊務檔

外部致俄署使世東省鐵路轉運護路兵軍需品擬定

辦法兩端希照覆照會

爲照會事前准廓大臣照稱東省鐵路護兵備用軍需品一事接貴部照開此次所運軍需品各若干數目自應開列清單等因查貴部照開每年需用軍需品若干數運進若干次約在何時報運自應預爲聲明以便稽查本大臣礙難明認緣此預爲聲明者並未載於建造鐵路合同亦非關乎現時情況所致實屬諸多限制此次照知運入軍需品一節係遵照兩國睦誼及以通行之禮辦理並非將阿穆爾省交界護衛軍之作用歸於中國稅關稽查查北滿洲暫行試辦章程第三十七條內載凡東清鐵路所需建造修理經理料件免納各項稅釐護路軍所需物料亦在此例又第三十八條明載稅關查看貨單副本放行貨物

之辦法各等語本大臣實難明悉憑何將東省鐵路公司所運之品歸中國稽查除咨本國陸軍部及轉達鐵路護衛軍統領於該軍需品到滿洲里車站時按照章程第三十七八兩條辦理外應照會查照等因前來查軍需用品如炸藥等類大半係違禁之物北滿試辦章程第二十七條特於凡違禁之物被關查出入官充公云云另列一條是軍需用品准否運進入口必須由中國稅關查驗明晰方能作定該章程第三十七條祇載明鐵路料件免納各項稅釐並未允免其查驗第三十八條載明由鐵路呈遞稅單副本由稅關查看點明件數放行遇有別項情形飭令查驗鐵路所運此批料件時仍可查驗是即以三十七八兩條論之鐵路所運料物總以經稅關查驗爲准不特此也該章程第

三十九條並載明除該貨單副本應隨有鐵路之照據載明其料件係爲東清鐵路自備自用者其副條又載明由鐵路詳細註明運來若干用去若干以免舞弊若欲查明其數亦可云云是鐵路所需之物必須得一特別之執照以爲承認之據並可由稅關隨時查驗原章所載至爲顯明自不得以爲多所限制也茲本部爲顧全兩國睦誼起見特擬辦法兩端以免到關時或有阻礙一違禁貨物而爲鐵路所必需者若開山開鑛之炸藥及烽煙等類是應先期由領事照會該處稅關監督申請陸軍部批准方得進口一鐵路護路兵軍需品應仍循照舊章惟於該物未到之時領事當預向關道請領護照或給發准單不得於貨物到關扣留後始行請給而關道若非遇軍火進口過於常數之時不必詳請稅務處批准

得以隨時發給護照或准單似此辦法係照舊章辦理該稅關於應否准運既有所稽考而鐵路進輸之品亦可期於迅速不至有所延擱實爲兩便諒貴署大臣對於此項辦法當能滿意仍希查照見覆可也須至照會者八月十一日軍火檔

英美德法各使致外部催議粵漢川漢鐵路借款照會  
一英使致外務部照會

爲照會事關於借款築造湖廣境內粵漢及湖北境內川漢各鐵路一事本大臣及德法美三國大臣業於西歷七月十三日公行照會貴爵各在案旋於西歷八月初一日日本大臣等均准覆稱內云茲准來照已由本部轉行郵傳部查照貴大臣可以轉達該銀行代表逕與郵傳部

妥商等因前來本大臣據此當即轉致匯豐銀行總理熙君會約各別  
銀行總理與郵傳部接洽以便照西歷七月十三日本大臣照會所言  
開議自不得出此照會之範圍總以完全該照會所指之合同辦理同  
時由德法美三國大臣達知各本國銀行總理照辦嗣於西歷八月十  
二日英美德法各銀行總理函致徐中堂聲明奉有各本國大臣訓令  
務請尅日定期會晤以便開議不期徐中堂調補別任該四國銀行總  
理故又於西歷八月十九日函詢署理郵傳部沈尙書是否接到第一  
函並請示何時可賜切實回音茲據熙君向本大臣稟稱四國銀行代  
表雖連上兩函仍未奉有答覆如此延緩其咎不能歸四國使館及四  
國銀行仔擔矣是以不得不請貴爵注意並希貴國政府設法飭催郵

傳部按照貴爵中歷六月二十六日所云各節與該四國銀行直接開  
議可也須至照會者八月十二日粵川漢鐵路檔

二美使致外務部照會

爲照會事關於借款築造湖廣境內粵漢及湖北境內川漢各鐵路一  
事本大臣及英法德三國大臣業於西歷七月十三日公行照會貴親  
王各在案旋於西歷八月初一日日本大臣等均准覆稱內云茲准來照  
已由本部轉行郵傳部查照貴大臣可以轉達該銀行代表逕與郵傳  
部妥商等因前來本大臣據此當即達知花旗銀行總理梅諾克會約  
各別銀行總理與郵傳部接洽以便照西歷七月十三日本大臣照會  
所言開議自不得出此照會之範圍總以完全該照會所指之合同辦

理同時由英法德三國大臣達知各本國銀行總理照辦嗣於西歷八  
月十二日英美德法各銀行總理函致徐中堂聲明奉有各本國大臣  
訓令務請尅日定期會晤以便開議不期徐中堂調補別任該四國銀  
行總理故又於西歷八月十九日函詢署理郵傳部沈尙書是否接到  
第一函並請示何時可賜切實回音茲據梅諾克向本大臣稟稱四國  
銀行代表雖連上兩函仍未奉有答覆如此延緩其咎不能歸四國使  
館及四國銀行仔擔矣是以不得不請貴親王注意並希貴國政府設  
法飭催郵傳部按照貴親王中歷六月二十六日所云各節與該四國  
銀行直接開議可也須至照會者八月十二日

三德使致外務部照會

爲照會事關於借款築造湖廣境內粵漢及湖北境內川漢各鐵路一事本署及美法英三國大臣業於西歷七月十三日公行照會貴爵各在案旋於西歷八月初一日日本大臣等均准覆稱內云茲准來照已由本部轉行郵傳部查照貴大臣可以轉達該銀行代表逕與郵傳部妥商等因前來本署據此當即轉致德華銀行總理柯達士會約各別銀行總理與郵傳部接洽以便照西歷七月十三日本署照會所言開議自不得出此照會之範圍總以完全該照會所指之合同辦理同時由美法英三國大臣達知各本國銀行總理照辦嗣於西歷八月十二日美法英德各銀行總理函致徐中堂聲明奉有各本國大臣訓令務請尅日定期會晤以便開議不期徐中堂調補別任該四國銀行總理故

又於西歷八月十九日函詢署理郵傳部沈尙書是否接到第一函並請示何時可賜切實回音茲據柯達士向本大臣稟稱四國銀行代表雖連上兩函仍未奉有覆答如此延緩其咎不能歸四國使館及四國銀行仔擔矣是以不得不請貴爵注意並希貴國政府設法飭催郵傳部按照貴爵中歷六月二十六日所云各節與該四國銀行直接開議可也須至照會者八月十二日

四法使致外務部照會

爲照會事關於借款築造湖廣境內粵漢及湖北境內川漢各鐵路一事本大臣及英美德三國大臣業於西歷七月十三日公行照會貴爵各在案旋於西歷八月初一日本大臣等均准覆稱內云茲准來照已

由本部轉行郵傳部查照貴大臣可以轉達該銀行代表逕與郵傳部妥商等因前來本大臣據此當即轉達代理匯理銀行總理勝比爾君會約各別銀行總理與郵傳部接洽以便照西歷七月十三日本大臣照會所言開議自不得出此照會之範圍總以完全該照會所指之合同辦理同時由英德美三國正任署任大臣達知各本國銀行總理照辦嗣於西歷八月十二日英德美法各銀行總理函致徐中堂聲明奉有各本國大臣訓令務請剋日定期會晤以便開議不期徐中堂調補別任該四國銀行總理故又於西歷八月十九日函詢署理郵傳部沈尙書是否接到第一函並請示何時可賜切實回音茲據勝比爾君向本大臣稟稱四國銀行代表雖連上兩函仍未奉有覆答如此延緩其

咎不能歸四國使館及四國銀行仔擔矣是以不得不請貴爵注意並  
希貴國政府設法飭催郵傳部按照貴爵中歷六月二十六日所云各  
節與該四國銀行直接開議可也須至照會者八月十二日

外部致陳昭常俄輪事以緝犯勦匪爲要勿啓彼干預  
電

眞電悉吉哈均係商埠輪船往來地方官本有保護之責此次俄輪來  
省自必經哈報關似難諉爲不知如必派兵隨輪只可由我自辦來電  
各節礙難據覆俄使頃准錫帥電謂地方鬪匪猖獗究屬無可推諉與  
本部所見正同若以不負責任爲詞恐啟彼藉端干預之漸殊於大局  
有礙現在辦法以從速緝犯嚴行勦辦爲要如辦理認眞匪風自戢外

人即無從藉口除酌覆俄使外希查照電覆外務部 八月十三日航務檔

東督錫良致外部請商日使迅釋玄德勝並示覆電

外務部鈞鑒申延吉全成哲玄德勝案前准鈞函當經轉電吉林照辦去後茲准電稱已飭據郭道照知地方檢察廳將該犯送驗即在局子街開釋並分電鈞部諒邀鑒察玄德勝應請轉知迅速釋放仍盼示覆

良文八月十三日延吉邊務檔

外部致聯豫布丹爲西藏屬部英人謂歸其管理應切

實駁論電

西密初八日電悉布丹受先朝封號頒給勅印爲西藏屬部且迭次藏中辦理夷務奏咨各案具在足以爲據英人窺伺該部已久茲竟明謂

歸其管理在我亟應切實駁論以維主權惟該照會係彼此商務委員交涉尙未經英政府發露似可先由尊處飭靖西同知羅列案據詳切駁覆詰以印政府何以有此命令是否別有誤會看其覆文如何再籌因應至布丹內情前據羅道電謂中薩部爲英牢籠巴竹仍戴天朝究竟近日向背如何印人對彼有何舉動希飭密查隨時見示統仗盡籌詳酌理辦並電覆外務部八月十四日西藏檔

外部致錫良日使請剿東省馬賊希電覆辦理情形電

東省馬賊猖獗日使請設法剿辦上月二十五日函達在案即將辦理情形電覆以備應付外務部八月十四日雜項檔

清宣統朝外交史料卷十六終